



EKO-RONILAČKA GRUPA INVALIDA IZ LUKAVCA



organizuje

MEĐUNARODNI KUP U PODVODNOJ FOTOGRAFIJI "LUKAVAC 2019"

koji će se održati na

**JEZERU KOP ŠIČKI BROD
BOSNA I HERCEGOVINA – TUZLANSKI KANTON**

7. - 8. septembar 2019.

1. PROGRAM TAKMIČENJA:

SUBOTA - 7. septembar

8:00 - 9:00 Dolazak i prijava takmičara i modela kod sekretara takmičenja
(lokacija takmičenja: jezero kop Šićki Brod Tuzla)

9:00 - 9:15 Svečano otvorenje takmičenja

9:15 - 9:30 Provjera memorijskih kartica takmičara i određivanje prvog snimka

9:30 - 11:30 Takmičenje - 1. zaron

11:30 - 13:00 Odmor takmičara, ručak, punjenje boca.

13:00 - 15:00 Takmičenje - 2. zaron

15:00 - 16:00 Predaja memorijskih kartica

16:30 - 17:00 Odlazak na jezero Modrac u Lukavcu (Restoran Palma)

17:30 - 19:30 Odabir fotografija na računalima i predaja odabranih fotografija na ocjenjivanje

19:30 - 21:00 Večera i druženje podvodnih fotografa na jezeru Modrac

Prenočište je obezbijeđeno u restoranu Palma na jezeru Modrac i besplatno je za sve takmičare

NEDJELJA - 8. septembar

8:00 – 10:00 Doručak

10:00 – 11:00 Proglašenje pobjednika, dodjela medalja, pehara i nagrada za najuspješnije takmičare

11:30 Ručak za učesnike

13:00 Odlazak učesnika

2. PRAVO SUDJELOVANJA

Pravo sudjelovanja na **MEĐUNARODNOM KUPU u podvodnoj fotografiji** imaju svi ronionci s minimalno CMAS- R1 ronilačkom kategorijom ili ekvivalentnom kvalifikacijom drugih ronilačkih asocijacija, koji pri verifikaciji mogu predložiti sljedeće:

1. Ronilački brevet, minimalno CMAS-R1 ili ekvivalentno po drugim ronilačkim asocijacijama
2. Potpisanu izjavu o odgovornosti i prijavni list,

3. RONILAČKA OPREMA

Takmičari i modeli mogu da se takmiče ronjenjem na dah ili sa SCUBA opremom.

Ukoliko rone sa SCUBA opremom, moraju imati svu potrebnu SCUBA opremu za sigurno ronjenje: kompenzator plovnosti, regulator, manometar, dubinomjer, ronilački sat i dekompresijske tablice ili umjesto tri zadnja elementa može imati ronilački kompjuter.

Dozvoljena je upotreba ronilačkih aparata otvorenog tipa na zrak ili nitrox, isključivo uz važeći atest. Ukoliko netko od takmičara ili modela roni s nitrox mješavinom mora predložiti brevet o položenoj specijalnosti - EANx ronilac.

Organizator ima pravo provjere ispravnosti opreme i smjese udisajnog medija.

Upotreba zatvorenih i poluzatvorenih sistema za disanje (rebreathera - CCR) nije dozvoljena za vrijeme takmičenja.

Takmičari trebaju sa sobom ponijeti pune ronilačke boce za prvo ronjenje. Organizator osigurava punjenje boca za drugo ronjenje .

4. FOTOGRAFSKA OPREMA I TAKMIČARSKE KATEGORIJE

Dozvoljena je upotreba isključivo digitalnih fotografskih aparata bilo kojeg tipa - digitalni refleksni (DSLR), mirrorless ili kompaktni fotoaparati, podvodni-amfibijski ili nadvodni u podvodnome kućištu, GoPRO kamere, smartpone u podvodnom kućištu.

Dozvoljena je upotreba svih tipova bljeskalica, dodatne rasvjete, objektiva, efekt-leća, dodatnih suhих i mokrih leća ili tubusa, stativa te druge dodatne foto-opreme.

Takmičari donose vlastitu praznu memorijsku karticu i daju je organizatoru na provjeru prije ronjenja. Organizator određuje prvi snimak na memorijskoj kartici.

Svi takmičari snimaju snimke u obaveznom JPEG formatu. Snimanje snimaka u paralelnim formatima (NEF, RAW i sl.) za vlastite potrebe je dozvoljeno, ali snimke u tim formatima ne predaju se na ocjenjivanje. Radi moguće neusklađenosti između digitalnog aparata i računara organizatora, takmičarima se preporučuje da sa sobom donesu USB kabel za fotoaparat, odnosno program za preuzimanje snimaka iz aparata u računar.

Fotografi se na takmičenju mogu prijaviti u JEDNU od dvije kategorije:

- **DSLR** (digitalni refleksni fotografski aparati, uključujući i mirrorless fotoaparate) i
- **KOMPAKT** (digitalni kompaktni fotografski aparati, GoPRO i smartpone kamere).

5. FOTOGRAFIJE / TEMATIKA

Cilj takmičara je snimiti tehnički ispravne i umjetnički (kompozicijski) što kvalitetnije fotografije na tri zadane teme:

1. fotografija podvodnog ambijenta sa ili bez modela,
2. fotografija ribe,
3. makro fotografija.

Fotografija podvodnog ambijenta

Cilj je snimiti širokokutnu fotografiju koja naglašava ljepotu prirodnog podvodnog ambijenta, a uz motiv prirodnog ambijenta može biti i model ili silueta modela. Fotografija treba biti snimljena širokokutnim objektivima ili objektivima tipa "riblje oko". Dozvoljeni su snimci „pola-pola”, pri čemu najmanje 50% fotografije mora biti podvodno. Nije dozvoljeno donošenje predmeta pod vodenu površinu s ciljem promjene nađenoga ambijenta. Svaki fotograf može imati najviše jednog saradnika – modela. Dva takmičara iz istog kluba bez modela mogu biti model jedan drugome.

Dva takmičara iz istog kluba mogu imati jednog modela.

Zabranjeno je snimati modele ili takmičare iz drugih klubova (ekipa).

Model može biti odjeven u ronilačko odijelo, ili bilo koju drugu odjevnu kombinaciju.

Fotografija ribe

Cilj je napraviti što ljepšu fotografiju čiji je glavni objekt riba (*Pisces*). Može se snimiti riblji portret (pri čemu moraju biti vidljivi škržni otvori), cijela riba ili jato riba tako da se dobije tehnički korektna i umjetnički što bolja fotografija. **Ukoliko se portret ribe snima anfas (s prednje strane) nije potrebno da se obuhvate i škržni otvori.** Nije dozvoljeno mijenjati prirodni ambijent, hraniti ribe, preseljavati vodene organizme ili uništavati bilo koji dio flore i faune.

U fotografiju ribe **NE** ulazi fotografija detalja ribe: oko, peraja, leđna peraja ili bilo koji drugi detalj tijela ribe.

Makro fotografija

Cilj je snimiti što ljepšu fotografiju sitnih živih organizama ili detalja podvodne flore i faune.

Potrebno je snimiti fotografiju koja prikazuje površinu manju od približno 100 x 150 mm. U makro fotografiju ulazi i fotografija detalja ribe: oko, peraja, leđna peraja ili bilo koji drugi detalj tijela ribe.

Nije dozvoljeno preseljavati vodene organizme ili uništavati bilo koji dio flore i faune. U koliko natjecatelj pomiče vodene organizme u njima neprirodno stanište, a to na fotografiji uoči stručni žiri, takva fotografija će biti diskvalificirana.

6. TAKMIČENJE

Svi takmičari za fotografiranje imaju na raspolaganju dva termina u trajanju od 120 minuta.

U svakom terminu mogu više puta uroniti i izroniti i mijenjati konfiguraciju fotografske opreme, pri čemu ne smiju odstupiti od standarda za sigurno ronjenje. Konfiguracija ronilačke opreme se može mijenjati ISKLJUČIVO u prisustvu sudaca ili kontrolora ronjenja. Rizično ronjenje za sobom povlači diskvalifikaciju takmičara.

Prije promjene konfiguracije ili podešenja opreme takmičari **se moraju javiti kontroloru takmičenja.**

Maksimalna dubina ronjenja limitirana je prema ronilačkoj kategoriji, a maksimalna dubina za sve takmičare je 30 metara. Dubina će biti kontrolirana iz ličnih ronilačkih računala ili dubinomjera svakog pojedinog takmičara.

Takmičari poslije drugog termina organizatoru predaju karticu s najviše 120 snimaka radi kopiranja, pri čemu prvi snimak određuje organizator takmičenja (taj snimak NE ulazi u broj od 120 snimaka). U slučaju da takmičar preda karticu sa više od 120 snimaka, organizator će izbrisati prekobrojne snimke.

Nisu dozvoljene višestruke ekspozicije ili preklapanje dvije ili više snimaka (Image overlay i slično).

Nije dozvoljena nikakva dodatna obrada fotografija u aparatu (crop, toniranje i slično). Fotografije moraju biti snimane u maksimalnoj rezoluciji fotoaparata.

Svi takmičari obavljaju odabir finalnih snimaka na računaru organizatora ili na vlastitom računaru.

Takmičari imaju na raspolaganju 60 minuta za odabir fotografija na svom računalu.

Takmičari će predati na ocjenjivanje jednu (1) fotografiju za svaku zadatak temu.

Svaka fotografija mora biti zapamćena u zasebnu datoteku.

Takmičari predaju organizatoru samo nazive datoteka (fotografija) u JPEG formatu koje su odabrali, upisane u obrazac organizatora koji su dobili prilikom registracije.

Takmičari pri predaji naziva datoteka mogu provjeriti da li one odgovaraju odabranim snimkama.

Organizator će po želji takmičara okrenuti odabranu snimku (okomito ili vodoravno, odnosno zrcalno).

Prilikom predaje fotografija na žiriranje datoteka za svaku pojedinu fotografiju biti će preimenovana na način da je svako ime sastavljeno od brojčano-slovne oznake pri čemu je na prvom mjestu redni broj natjecatelja, a zatim slijedi slovo s oznakom teme

(A - podvodni ambijent, R - riba, M - makro). Primjerice "01A" znači da se radi o fotografiji prvog prijavljenog takmičara na temu podvodni ambijent.

Organizator će po potrebi provjeravati autentičnost digitalnih snimaka. Svaka zloupotreba (ubacivanje snimaka koji nisu snimljeni na natjecanju i slično) donosi diskvalifikaciju takmičara.

7. BODOVANJE

Žiri je sastavljen od međunarodno priznatih stručnjaka fotografa i podvodnih fotografa.

Predsjednik žirija: Branislav Danevski

Član žirija: Adnan Drnda

Član žirija: Samir Solaković (online)

Žiri ocjenjuje pojedinačne snimke neovisno o kategoriji (DSLR, KOMPAKT). Svakoj fotografiji žiri dodjeljuje ocjenu u rasponu od 1 do 10. Zbir ocjena fotografija za sve tri teme daje ukupan broj osvojenih bodova takmičara.

Bodovna ocjena određuje plasman.

U slučaju da dva takmičara imaju jednaki broj bodova, viši plasman osvaja onaj koji ima veći broj viših ocjena. Zbir bodova dva najuspješnija takmičara iz istog kluba određuje plasman u ekipnom poretku.

Tri prvoplasirana takmičara po temama (ambijent, riba, makro), u obje kategorije, dobivaju medalje, a ukupni pobjednici u kategorijama DSLR i kompakt, u okviru Otvorenog kupa i Prvenstva BiH dobivaju medalje i nagrade sponzora.

8. NAGRADE

Na Međunarodnom kupu u podvodnoj fotografiji "Lukavac 2019" bit će dodijeljene nagrade:

kategorija DSLR

1, 2. i 3. mjesto pojedinačno za ukupan plasman (medalje i nagrade sponzora)

1, 2. i 3. mjesto pojedinačno za teme (ambijent, riba, makro) (medalje)

kategorija KOMPAKT

1, 2. i 3. mjesto pojedinačno za ukupan plasman (medalje i nagrade sponzora)

1, 2. i 3. mjesto pojedinačno za teme (ambijent, riba, makro) (medalje)

GRAND PRIX Međunarodnog kupa - specijalna nagrada.

9. PRIJAVE

Prijave za takmičenje treba poslati najkasnije do 30.08.2018. godine na e-mail: eko.ronjenje@gmail.com Dodatne informacije mogu se dobiti na istu e-mail adresu.

10. KOTIZACIJE

Kotizacija za takmičare je BESPLATNA.

11. DISKVALIFIKACIJA TAKMIČARA

Takmičar će biti diskvalificiran ako se zatekne van akvatorija takmičenja koje će biti obilježeno signalnim bovama.

Također će se diskvalificirati ako prekrši:

1. vrijeme ronjenja određeno za takmičenje,
2. vrijeme za predaju memorijskih kartica na kopiranje,
3. vrijeme za izbor fotografija za žiriranje.

U koliko takmičar pomiče vodene organizme u njima neprirodno stanište, donosi žive organizme pod vodu, a to na fotografiji uoči stručni žiri, takva fotografija će biti diskvalificirana.

Takmičar koji prekorači maksimalnu dozvoljenu dubinu ronjenja također će biti diskvalificiran.

Takmičar koji namjerno podiže mulj i muti ambijent, ili na drugi sličan način ometa druge takmičare biti će diskvalificiran.

O sprovođenju ovih pravila brinut će se Kontrolori pod vodom i na obali.

12. ŽALBE

Žalbe se predaju u pisanom obliku povjereniku natjecanja do 30 minuta nakon spornog događaja ili nakon završetka ronjenja tokom kojega je došlo do spornog događaja. O žalbi odlučuje Takmičarski odbor. Uz žalbu se plaća 50 KM, i isto se vraća ukoliko se žalba usvoji. U protivnom sredstva zadržava organizator.

13. AUTORSKA PRAVA

Podvodni fotografi zadržavaju autorska prava na svoje fotografije. Organizator zadržava pravo korištenja svih fotografija s takmičenja u svrhu promocije takmičenja, podvodne fotografije i ronjenja. Fotografije mogu biti objavljivane u štampanim izdanjima, elektronskim medijima, ili na internetskim stranicama s namjerom predstavljanja pobjedničkih fotografija i promocije takmičenja u podvodnoj fotografiji. Sve objave fotografija uključuju navođenje imena i prezimena autora fotografije.

14. ODGOVORNOST

Eko-ronilačka grupa invalida kao organizator takmičenja i domaćin, odriču se svake odgovornosti za naknadu materijalne i ne materijalne štete koja može proizaći iz ovog takmičenja. Svi takmičari nastupaju na vlastitu odgovornost što potvrđuju potpisom izjave odgovornosti.

15. BAZA I AKVATORIJ NATJECANJA

Baza natjecanja je **Jezero kop Šićki Brdo kod Tuzle, dok je Jezero Modrac kod Lukavca lokacija smještaja takmičara i ceremonije dodjele medalja, pehara i nagrada.**

Planirani akvatorij na kojem će se održati natjecanje je kompletna vodena površina jezera kop Šićki Brod koja se nalazi u neposrednoj blizini petlje Šićki Brod.

Zona ronjenja odrediti će se prije početka takmičenja, a ovisiti će o trenutnim vremenskim uvjetima i broju takmičara.

16. ORGANIZACIJA TAKMIČENJA

Organizator i domaćin takmičenja i pružatelj logističke podrške je Eko-ronilačka grupa invalida iz Lukavca.

Smještaj je organiziran u restoranu Palma na jezeru Modrac u Lukavcu. Smještaj je besplatan za sve učesnike. Takmičari također, mogu sami organizirati smještaj za vrijeme održavanja takmičenja.

Parking za vozila je obezbjeđen.

Kontakt osoba:

Bilal Šarić, tel. +387 61 898 551, e-mail: eko.ronjenje@gmail.com

Rezervacije smještaja treba napraviti najkasnije do 30.08.2019.

Informacije o prometnim vezama do Tuzle i jezera kop Šićki Brod i jezera Bistarac u Lukavcu mogu se pronaći na bihamk.ba

ŽELIMO VAM UGODAN BORAVAK I USPJEH NA TAKMIČENJU!